



1. oktober 2020

UKA2020/17-183

Imm.17

**Sulisoqarnermut akitsuut pillugu Inatsisartut inatsisaata allanngortinneqarnera pillugu
Inatsisartut inatsisaat nr. xx af xx. xxx 2020-meersoq**
(Aningaasaqarnermut Naalakkersuisoq)

Aamma

Imm. 183

**Unga siunnersuut: Naartunermi, erninermi meeravissiartaarnermilu sulinngiffeqartarneq
pillugu Inatsisartut inatsisaat nr. xx, xx. xxx 2020- imeersoq.**
(Isumaginninnermut, Ilaqtariinnut Inatsisinillu Atuutsitsinermut Naalakkersuisoq)

Sulisoqarnermut akitsuut inatsisartut inatsissaattut siunnersuut saqqummiunneqartoq oqaaseqarfingissavarput.

Inuaqatigiinni meerartagut ullumikkut pitsaanerusumik atugassaqartinneqassappata meeqlanut aamma inuuniarnikkut atugassarititaasut pitsaanerulersittariaqarpagut.

Meerartaqarneq isumannaannerusumik inuuniarnikkut atugassaqarfiusariaqarput. Ilaqtarit meerartallit aammalu meeraqarneq tullusimaarutinngortariaqarpoq. Ilaatigut aporfissat pisariaqarpallaanngitsut aporfilersuiffgalugit ingerlavugut.

Assersuutigalugu meeqqat tapiinut tunngasut assigiinngitsunik atugassaqartitsiffigaagut. Angajoqqaat amerlasuut akunnattunik isertitallit allaami sulinermik inuussutissarsiutillit SIK isumaqatigiissutaat malillugu assersuutigalugu appariit akissarsiakinnerpaat meerartaat meeqlanut tapeqanngillat. Aammalu angajoqqaat kisimiittut meeqqaminik pilersuiniarlutik arlariinnik suliffeqartariaqartarput, tamannalu aamma ilaatigut pissutigalugu meeqqat tapiinik piaaffigineqartarput. Uffalu inuuniarnikkut atukkamikkut ilungersoqalutik ingerlaniarsarisut.

Taavalu sulisoqarnermut akitsuut inatsissatut saqqummiunneqartoq oqaaseqarfingissavarput.

Tassani tunngavilersuutigineqarpoq tassalu erninermut aningaasateqarfimmik pilersitsinissaq, tassanilu tunngavissatut saqqummiunneqartoq Namminersorlutik suliffiutilinnut atuuttussamik aningassalersuinissamik pilersitsinissaq anguniarneqarluni.

Ukiuni makkunani meeqqat toqqissillutik peroriartornissaat tunngaviit pingaarnersarissagaat oqaatigisarparput.



partii naleraq

Tamannalu inuaqatigiinni meeqqat inunngortartut atugaasa aammalu ilaqtariit merartarsimasut meeravissiartaarsimasut isumannaatsumik meeqqaminnik perorsaanermanni sulinngiffeqarnermi aningaasatigullu tunngavissinneqarnissaat tunngavissilluarneqarnissaallu anguniarneqarmat tapersorsorparput.

Tassami anguniagaavoq arnat meerartaarsinnaasutut ukiullit suliffeqarnermi immikkoortinneqaqqunagit,aammalu ilaqtariit meerartallit sulinngiffeqartoqarnerani pilersuinissaminnut pitsasumik tunngavissaqarnissaat ilaqtariinut tamanut pingaaruteqarluinnarmat.

Tassami nalunngilarput inuaqatigiinni ilaqtigut atukkagut inuuniarnikkut assut assigiinngitsumik inissisoqartartoq, meerartaarsimasut ilaqtariit atugaat ilaagut assigiinngitsorujussuarmik inissimasarput pissaqarnerit pissakinnerusullu inuuniarnikkut atugassarititaasut eqqarsaatigalugit.

Meerartaarnermi aammalu sulinngiffeqarnermi sapingisamik atukkat assigiissinneqarnissaat pingaarluinnartoq Partii Naleqqamiit oqaatigisarparput, tassami meerartaartut atugaat assiginngisinneqartarerat pissusissamisuunngilaq. Tassami meeraq meeraavoq imattariaqanngitsoq angajoqqaat assersuutigalugu piniartukkuuppata, aalisartukkuuppata, , suliffissaaleqisuuappatalu, aningasat ikinnerpaat taakkununnga erninnermi sulinngiffeqarnermi tunniunneqassasut.

Meeqqap aallartilluarnissaa eqqarsaatigalugu ilaqtariit ilungersunartumik aningaasaqarnerannik pitsaanngitsumik atugassaqartitsissagutta tulluanngilaq meeqqat inunngorneraniilli atugaat sapinngisamik assigiinnerusumik atugaqarfiusariaqarput angajoqqaat sulinngiffeqartut eqqarsaatigalugit, tassami meeraq meerraavoq taamaattumik assigiinnerusumik atugaqarnissaat naqissuserneqartariaqarput.

Uanilu piumasariniarpalput ataatsimiitaliami sukumiisumik suliarineqartariaqartoq, pingartumik ilaqtigut arnat meerartaarsimasut angerlarsimaannartut ullummikornit isumannaanerusumik erninersiuuteqarnissaasa aaqqivigineqarnissaat.

Siunnersuut taperserparput ataatsimiitaliamilu suliarineqarnissaa innersuussutigalugu.

Hans Enoksen